



Surava

Broschura d'infurmaziun Decurs dall'evacuaziun

Data da creaziun: 20-06-2019 | V01



Gemeinde / Cumeegn
Albula / Alvra

Tgera abitanta, tger abitant da Surava

Evenimaints tgi mettan sotsour igl noss mintgade u tgi mettan an priewel la nossa siertad, èn pussebels er tar nous – er schi nous ans santign cò sieirs. Percheigl ègl impurtant dad esser paragea bagn.

Chella brochura az mossa, noua tgi Vous cattez ageid per cass da realitad e scu tgi Vous vez da sacuntigneir. Ultra da chegl niz a saveir, scu tgi Vous stuez sa parager per ena evacuaziun eventuala.

Lige attentamaintg las infurmaziuns e **tigne bagn an salv chesta brochura.**

Veze dumondas?

Az vulve tar nous:

Hotline: +41 79 936 39 39

www.albula- Alvra.ch sot «Actual»

Evacuaziun

Uscheia succeda l'evacuaziun



Igl cumegn metta an funcziun igl **alarm**. La populaziun vign supplitgeida da bandunar igl territori sur las rutas d'evacuaziun. Observe las infurmaziuns digl otplidader.




**TSCHARTGEA
AGEID**

Per cass tgi duvrez ageid durant l'evacuaziun, ni tar igl li da scuntrada per **cass d'urgenza tar la truasch da vischnanca a Surava**. Lò survagniz infurmaziuns davart l'evacuaziun e pudez supplitgier per ageid.



Segl **post da controlla «Truasch da vischnanca a Surava»** registreschan igls pumpiers las Vossas datas personalas. Uscheia obtignan las forzas d'ageid ena survista, tgi tgi ò banduno la vischnanca. Chella survista serva alla Vossa siertad.



Segl **post da rimnada e d'infurmaziun ainten la scola d'Alvagni vischnanca** survagniz cutiers tenor basigns e tgi pudez retrer spertamaintg.



Durant e siva l'evacuaziun survagniz Vous las infurmaziuns basignevlas digl cumegn sur en sarvetsch dad SMS u antras publicaziun alla tavla neira ainten la scola d'Alvagni vischnanca. Vez dumondas? Alloura s'annunztge sur la **hotline +41 79 936 39 39**. **Betg** duvre per placheir igls nomers d'urgenza generals.



Las instanzas procuran, tgi confamigliars restan ansemen durant l'evacuaziun u tgi vignan reunias schi spert scu pusebel.

Alarm sur ples canals

Uscheia succeda igl alarm



Igl cumegn metta an funcziun igl alarm per igls territoris pertutgias sur en sarvetsch dad SMS.

Per cass tgi Vous az cattez ordvart igl territori periclito, az supplitgainsa da contactar la hotline +41 79 936 39 39 e d'ans communitgier tgi Vous seias gio an siertad.



Igl alarm general vign mess an funcziun sur igls indrezs dallas sirenas fixas.

Tge ègl da far:

- tadlar radio;
- suandar las infurmaziuns dallas instanzas;
- infurmar igls vaschigns;
- pachetar tenor la glista da controlla e sa metter an siertad sur la ruta d'evacuaziun.



Cun sirenas mobilas sen vehichels niz randias attents supplementarmaintg all'evacuaziun.

 **ALERTSWISS**
www.alert.swiss










Sur la plattafurma naziunala Alertswiss niz Vous almos ed infurmos per cass da realitad tras las instanzas. Cun l'APP Alertswiss survagniz Vous alarms, avertimaints ed infurmaziuns scu novitads da Push directamaintg sen igl Voss aparat mobil.

Glista da controlla «Evacuaziun»

Uscheia vogl

Suande las instrucziuns dallas instanzas.

Infurme e sustigne vaschigns e persungas tgi dovran ageid aint igl Voss conturn.

-  Pachete la Vossa bagascha d'urgenza: documaints persunals (pass u carta d'identidad, permess dad eir cun auto, cartas da sieranza, carta da virola) daners contants e cartas dalla banca, telefon mobil cun apparat per carger, medicamaints, artetgels da tualetta, vistgadeira, spievels, pitschnas tgossas custevlas, tarmagls per igls unfants.
-  Per cass tgi vez taimp avonda, schi pachete chegl tgi savez piglier cun vusezs (documaints persunals, albums, computer/laptop e meds d'arcunar, ulteriouras tgossas custevlas, etc.).
-  Prepare la Vossa abitaziun per la Vossa assenza: stidar apparats electric, sarar spegnas da gas ed ava, stidar flommas avertas, sarar las fanestras ed igl isch-tgesa.
-  Pigle cun Vous igls voss animals da tgesa.
-  Bandune igl territori periclito cun igls voss agens meds da transport sur la ruta d'evacuaziun.
-  Passe per plascheir igl **post da controlla «Truasch da vischnanca a Surava»**.
-  S'annunzge per cass da basigns tar igl **post da rimnada e d'infurmaziun an scola d'Alvagni vischnanca**.



Igl voss li da scuntrada per cass d'urgenza

Truasch da vischnanca a Surava

Schi smanatscha prieveil niz Vous randias attents alla evacuaziun tras igl alarm general (sirena cun tung regular ascendent e descendent) scu er tras annunztgas sur en otplidader. Observe las ordinaziuns.

Schi Vous duvrez sustign durant l'evacuaziun (p.ex. transport) alloura ge agl li da scuntrada d'urgenza tar la truasch da vischnanca a Surava. Lò survagniz infurmaziuns davart igl decurs dall'evacuaziun e savez supplitgier per ageid.

Schi Vous na savez betg neir agl li da scuntrada d'urgenza schi supplitge igls Voss confamigliars u vaschigns per ageid u s'annunztge sur la hotline +41 79 936 39 39.



Post da controlla

«Truasch da vischnanca a Surava»

Segl post da controlla «Truasch da vischnanca a Surava» vignan registros tot igls abitants tgi on banduno la vischnanca.



Post da rimnada e d'infurmaziun Scola Alvagni vischnanca

Segl post da rimnada e d'infurmaziun an scola d'Alvagni vischnanca az vign mess a disposiziun tenor basigns ageid medicinal e pussebladads da cutier.


Ultra da chegl vignan publitgeidas lò las comunicaziuns dallas instanzas e Vous survagniz infurmaziuns scu tgi vo anavant.

Cutier siva dall'evacuaziun

Per igl taimp dall'evacuaziun duvrez Vous cutiers adattos. Chels savez organisar vusezs u supplitgier igl cumegn per en li adatto. Agl post da rimnada e d'infurmaziun ainten la scola d'Alvagni vischnanca survagniz sclarimaint ed ageid.


Evacuaziun: an direcziun Alvagni vischnanca

Survista




 Territori d'evacuaziun

 Givelas bloccadas

 Ruta d'evacuaziun

 Post da rimnada e d'infurmaziun

 Voss li da scuntrada per cass d'urgenza

 Post da controlla

VeZ dumondas?

Az vulve tar nous :

Hotline: +41 79 936 39 39

www.albula-alvra.ch sot «Actual»